

ZORAM THLIRNA.

Mizoram State Library
14912



Mizoram

THIRNA

State Library, Mizoram, Aizawl	
Accession Number	5307
Date of Receipt	17.8.80
Supplier	/
Price	

Mizoram State Library
14912



MIZORAM STATE LIBRARY
14912 (Ry)
Lulu

809.54166
70 R

5780
53 1915

ZORAM THLIRNA

BUNG I

British hun chhông (1890 – 1947) Chanchin tlêm :

Mizovin mi lulâk an chin laia, an vel hnam dangte leh Cachar thingpui huante an rawk fo kha huain, British Sorkârin phuba la tûrin sipaite an tîr thîn a. 1850 kumin Col. Lister-in Sentlâng a hâl a; 1864 kum khân Capt. Lewin (Mizovin 'Thangliana' an tih thîn) Chittagong lam atangin a lo chho va, 1869-ah Brigadier General Nuthal leh Pu Edgar (Cachar D.C.) an lo lût bawk a; 1871—72 (Mizovin "Vailen hmasa" an ti thîn) kum khân Gen. Brownlow leh Capt. Lewin, Chittagong D.C. chhim lam atangin an lo lût a; Gen. Bouchier leh Pu Edgar, Cachar D.C. ten hmâr lam an nawr a, Champhai an thleng hial a. Tin, 1888 kum khân Col. Tregear hovin an lo lut leh a. Chu chu Mizovin "Vai len hnahnung" an tih kha a ni. 1890-ah Mizo ram chu British-in a la nghet ta a. Lunglei-ah Capt. J. Shakespear (Tarmita) a thû a, Aijal-ah Capt. Browne Bawrhsâp angin a thû bawk a. Indo lam chanchin ziaik mi leh hla phuah thiam hmingthang Rûdyard Kipling pawhin 1890 khân hetiang hian hla a phuah hial a—

"Afridiman mite kan phindarh ang khân,
Naga leh Lusei-ho pawh kan tu tlâwm ta." tiin.


1898 kum khân Zoram Chhim leh hmâr, a hran ve ve a Bengal leh Assam Sorkâr ukawl thîn chu Assam Chief Commissioner hnua dah a lo ni ta a.

Tin, 1919 kuma India Sorkâr Dân siam angin ram awpna chungchâng rêng rêng chu Assam Chief Commissioner ni ta lovin Assam Governor leh a Council te hnênah hlan a ni ta zâwk a. 1935 kuma India Sorkâr Dân thupêk angin Mizo ram chu "Excluded Area" a chhiar tel a ni a. Tichuan, British Parliament mawhphurlna chu India Viceroy kutah hlan a ni nghâl a, anin Assam Governor hnênah a hlan chhâwng a. Zoram pumpuia hmasâwnna leh inawpna a lo fel zâwk theih nân dân tam tak siam thar a lo ni a. Tin, khaw tin inawpna a fel zâwk theih nân ramri siam fel a nih bâkah tlâng changtu atân lai fapa upa ber ruat a ni a, fapa naupang ber erawhchu ro khâwmtu atân. Tlâng changtu tûr lai fapa upa ber te lehkhâ zir nân Sorkârin chawmra a pe a.

Ram hmasâwnna lam ngaihtuah tûrin department hrang hrang, P.W.D., Agriculture, Medical, Forest, Postal, Veterinary leh Education te siam a ni a. An chanchin chiang zâwkin kan la thlarang.

Tin, khatia ramhuai leh thlarau hlauva phî cuai thin kha Kristian an lo ni a, inthawi lo leh thil mak deuh apiang hlau khân thlamuanna namênlo an lo nei ta a.

Indopui hmasa (1914—1918) khân Mizo tlângvâl tha tha 2,100 thlan chhualhte chuan 27th India Labour Corps zawmin France-ah an kal a. Tin, Abor rûn (1911—1912)-ah pawh thenkhat chu an kal bawh. Khawvêl Indopui pahnihna (1918—1945) chhûnga Japan râl len lai khân Lushai Scouts leh Pasaltha Pâwl-ah an inpe a. Mi tam takin Assam Regiment leh India Army Medical Corps pawh an zawm bawh.



District Council Member hmasa ber te, Aijal Borhsâp hoyin. (23. 6. 1962.)

Tiar hmasa : R. Thantlira, Lalawia, S.N. Parâtiaki (Borhsâp), Dr. Rosiama, Lalziki, Saito.
 Tiar hmbina : F. Sangkûnga, Yako, Chaitshakhûma, Patbala, Hîangaita, Lalbuaita.
 P. Saitawna, Vâialabûka, R. B. Chawnga, H. Khuma.
 Tiar inuma : Pachûnga, Rûhanga, Khuanmawnga, Singhinga, Toikhurliana, Pajûa.



Pandit Nehru, India Prime Minister-in Reid House, Aijal-ah District
hotute bmaah thu a sawi. Aijal 4, 4. 1953.